

*Diin oo keliyaa?*

Daryeelida  
carmallooyinka  
iyo agoonta



Shamiso



*Diin oo keliyaa?*

## **Daryeelida carmallooyinka iyo agoonta**

Cibaado daahir ah oo aan nijaas lahayn Ilaaha  
Aabbaha ah hortiisa waxay tahay in la xanaaneeyo  
agoonta iyo carmallada markay dhib ku jiraan.

Yacquub 1:27

*Abaar, Dagaal, cudurka aydhiska, ku xadgudub iyo  
ka faa'iideysiga kuwa tabarta yar ayaa malaayiin  
carruur ah waxay ka yeeleen inay ku agoontoobaan,  
haween badanina ku carmaloobaan. Kuwan  
badankood waxaa laga helayaa bulshadeena  
dhexdeeda. Qaar badanina weli waxay  
ku jiraan khatar. Baybalka waxa uu  
ina barayaa daryeelida agoonta iyo  
carmallooyinka dhiban inay tahay xil  
inaga Masiixiyiinta ah ina saaran.*



# Daryeelida uu Ilaah daryeelo kuwa dhiban

*Ilaah waxa uu Leeyahay:* “Sow kanu ma aha soonkii aan doortay in silsiladihii sharnimada la furo, oo guntimihii hargoodka la debciyo, oo kuwa la dulmay la xooreyo, oo aad hargood kasta jebisaan? Sow ma aha inaad kibistaada ka gaajaysan u gooytid, oo aad masaakiinta aan hoy lahayn gurigaaga soo gelisid, oo markaad aragtid mid qaawan aad wax huwisid, oo aadan xigtadaada aad isku jiidhka tihiin ka dhuuman?

Ishacyaah 58:6-7

Oo saddex sannadood oo kasta markay dhammaadaanba waa inaad soo bixisaa meeltobnaadka waxa sannaddaas kuu baxay, oo waxaad ku kaydsataa irdahaaga gudahooda. Oo markaas waxaa iman oo ka cuni oo ka dhergi doona qariibka, iyo agoonta, iyo carmalka inuu Rabbiga Ilaahaaga ahu kugu barakadeeyo shuqulka aad gacantaada ku qabato oo dhan.

Sharciga kunoqoshadiisa 14:28-29



# Daryeelida uu Ilaah daryeelo agoonta



*Carruurtu waa hadiyad ka timid  
xagga Ilaah — qiimo weynna ku  
leh aragtidiisa*

Bal eeg, carruurtu waa dhaxal xagga Rabbiga laga helo. Oo midhaha maxalku waa abaalgudkiisa.

Sabuurrada 127:3

Ilmo yaryar ayay u keeneen inuu taabto, xertuna way canaanatay. Laakiin Ciise goortuu arkay, wuu cadhooday, oo wuxuu ku yidhi, Ilmaha yaryar daaya, ha ii yimadeen e, hana diidina, waayo, kuwan oo kale ayaa ka mid ah boqortooyada Ilaah. Runtii waxaan idinku leeyahay, Ku alla kii aan boqortooyada Ilaah u aqbaliin sida ilmo yar oo kale, meeshaas ma uu geli doono. Gacmihiisuu ku qaaday oo intuu calaacalihiisa saaray, ayuu barakadeeyey. Markos 10:13-16



## ***Ilaah waa daryeelaa kuwa aabaha iyo hooyada aan lahayn***

Waayo, aabbahay iyo hooyaday way i dayriyeen Laakiinse Rabbigaa i qaadan doona.

Sabuurrada 27:10

Rabbiga Ilaahiinna ahu waa Ilaahii ilaahyada, iyo Sayidkii sayidyada, oo isagu waa Ilaaha weyn oo xoogga badan oo laga cabsado oo aan dadka u kala eexan, laaluushna qaadan. Wuxuu u garsooraa agoonta iyo carmalka.

Sharciga kunoqodoshadiisa 10:17-18

Beeraha agoonnadana ha dhex gelin, waayo, bixiyahoodu waa xoog badan yahay; oo isaga ayaa dacwadooda kugu qaadi doona.

Maahmaahyadii 23:10-11

Agoontu Ilaah ayey naxariis ka helaan.

Hosheeca 14:3

# Waa maxay waxa ay agoonnadu u bahaan yihiin?


## *Reero — ma ahan xaruumo*

Ilaah wuxuu rugtiisa qoduuskaa ku yahay  
Agoonta aabbahood iyo carmallada xaakinkooda.  
Kuwa cidlaysan Ilaah reero ayuu u yeelaa.

Sabuurrada 68:5-6

Ilaah wuxuu miskiiinka kor uga qaadaa ciidda, oo  
kan baahanna wuxuu sara uga qaadaa meesha  
digada. ... Oo naagtii madhalays ahna wuxuu ka  
dhigaa inay reer hayso, Iyo inay ahaato hooyo  
faraxsan oo carruur leh. Rabbiga ammaana.

Sabuurrada 113:7, 9



## *Tusaale wanaagsan oo ay raacaan*

Ku sii soco waxyaalihii aad baratay oo aad habsatay, adigoo garanaya kuwii aad ka baratay; tan iyo yaraantaadii waxaad garanaysay qorniinka qoduuska ah oo badbaadada kugu garansiin kara rumeysadka Ciise Masiix lagu rumeysto.

Timoteyoska Labaad 3:14-15

*Ilaah wuxuu leeyah:* “Haddaba erayadaydan waa inaad gelisaan qalbigiinna iyo naftiinna. ... Oo waa inaad iyaga carruurtiinna bartaan, idinkoo ku sheekaysta markaad gurigiinna dhex fadhidaan, iyo markaad jidka martaan, iyo markaad jiiftaan, iyo markaad sara joogtaanba.”

Sharciga Kunoqoshadiisa 11:18-19






## *Difaac*

Miskiinka iyo agoonka gar siiya, oo caddaaalad ugu garsoora kan dhibaataysan iyo saboolka. Badbaadiya miskiinka iyo kan bahaan, oo ka samato bixiya gacanta kuwa sharka leh.

Sabuurrada 82:3-4

*Ciise waxa uu yiri:* “Oo ku alla kii magacayga ilmahan oo kale ku aqbalaa, wuu i aqbalaa. Laakiin mid idinka mid ah hadduu xumeeya yaryarkan i rumastay midkood, waxaa u roon in dhagaxshiid luqunta looga lalmiyo oo badda moolkeeda lagu hafiyo.” Matayos 18:5-6





### ***Edbin ay jacayl ku dheehan tahay***

Kii ushiisa ceshadaa carruurtiisuu neceb yahay;  
Laakiinse kii carruurtiisa jecelu aad buu u edbiyaa.

Maahamaahyadii 13:24



Carruurtaada edbi intay rajo jirto, laakiinse  
naftaada ha ku qasbin si ay u dhintaan.

Maahamaahyadii 19:18

Carruurtaada edbi, oo iyaguna way ku nasin  
doonaan, haah, naftooda wuu ka farxin doonaa.

Maahmaahyadii 29:17





## ***Waxbarasho***

Ilmo u rabbee siduu ku socon lahaa, oo isna xataa markuu gaboobo kama leexan doono.

Maahmaahyadii 22:6

Canugeygiiyow, edbinta aabbahaa maqal, oo amarka hooyadaana ha ka tegin, waayo, waxay madaxaaga u noqon doonaan wax sharraxsan.

Maahmaayadii 1:8-9

Edbinta xajiso, oo ha iska sii deyn; hayso, waayo, iyadu waa noloshaada.

Maahmaahyadii 4:13

## ***Maqlida iyo ka jawaabida jacaylka Ilaah***

*Maxbuuskii filadelfiya wuxuu weydiiyey Bawlos iyo Silas: “Maxaa igu waajib ah inaan yeelo inaan ku badbaado? Kolkaasay ku yidhaahdeen, Rumayso Rabbi Ciise, waadna badbaadi doontaa, adiga iyo dadka gurigaaguba. Oo hadalka Rabbiga ayay kula hadleen isaga iyo kuwii gurigiisa joogay oo dhan. ... Isagoo Ilaah rumaysan ayuu aad ula farxay kuwii gurigiisa joogay oo dhan.”*

Falimaha Rasuullada 16:30-32, 34

Ciise wuxuu nin la bogsiyey ku yidhi: Gurigaaga iyo dadkaaga u tag oo u sheeg waxa weyn oo Rabbigu kuu sameeyey iyo siduu kuugu naxariistay.

Markos 5:19



# Taageerida carmalooyinka

## *Kaniisadihii hore waxay daryeeli jireen carmalooyinka dhibaateysan*

Waagaas waxaa dhacay, intii xertu badanaysay, in Yuhuuddii Griigta ahayd ay ka gunuunaceen Cibraaniyadii, maxaa yeelay, carmalladoodii laga dhintay wixii maalin walba la siin jiray looguma hagar bixin. Markaasaa laba-iyo-tobankii, intay isugu yeedheen kuwa badan oo xerta ka mid ahaa, waxay ku yidhaahdeen, Ma wanaagsana inaannu hadalka Ilaah iska dayno oo aannu miisas ka adeegno. Waxaad dhexdiinna ka xushaan toddoba nin oo shar leh, oo ay ka buuxaan Ruuxa iyo xigmaddu, oo aynu u dooranno shuqulkan.

Falimaha Rasuullada 6:1-3





## ***Qaraabada iyo kaniisada waa inay aqoonsadaan xilkooda***

Maamuus carmallada runta ah oo nimankoodii ka dhinteen, laakiin haddii naag carmal ahu carruur leedahay ama carruurteedu ay carruur leedahay, iyagu marka hore ha barten inay dadkooda si cibaado leh kula macaamiloodaan, waalidkoodna u cawilceliyaan, waayo, taas u way wanaagsan tahay, waana mid Ilaah aqbali karo.

Laakiin qof hadduusan dadkiisa dhaqaalayn, khusuusan kuwa gurigiisa jooga, kaasu iimaankuu inkiray, wuuna ka sii liitaa mid aan rumaysanayn.

Haddii ay naag rumaysanu ay leedahay carmallo ha u gargaarto iyaga, oo kiniisadda yaan la culaysin, si ay u gargaarto kuwa carmallada runta ah.

Timoteyoska Koowaad 5:3-4, 8, 16

# Iimaan shaqeynaya

*Baadbaadadu waa hadiyad bilaash ah oo uu bixiyo Ilaah. Shaqooyinka wanaagsan ayaa waxay cadeyn bayaan ah u yihiin badbaadadan.*

Noqda kuwa hadalka yeela, oo ha ahaanina kuwa maqla oo keliya oo nafsaddooda khiyaaneeya.

Yacquub 1:22

Maxay tartaa, walaalahayow, haddii nin yidhaadho, Ramaysad baan leeyahay, laakiin aanu shuqullo lahayn? Rumaysadku ma badbaadin karaa isaga? Walaal wiil ah ama walaal gabadh ah hadday arradan yihiin oo cuntadii maalinta u baahan yihiin, oo midkiin ku yidhaadho iyaga, Nabad gala, diirsada oo dherga, oo welliba aydnaan siin waxa jidhku u baahan yahay, maxay tartaa? Haddaba sidaas oo kale rumaysadku haddaanu shuqullo lahayn keli aahaantiisu waa meyd. Laakiin waxaa la odhan doonaa, Adigu waxaad leedahay rumaysad, anna waxaan leeyahay shuqullo. I tus rumaysadkaaga aan shuqullada lahayn, anna rumaysadkayga shuqulladaydaan kugu tusi doonaa. Yacquub 2:14-18

Yaynaan ku jeclaanin hadalka iyo afka toona, laakiin camalka iyo runta aan ku jeclaanno.

1 Yooxanaa 3:18

# Caabuditaanka uu Ilaah raali ka yahay

Cibaado daahir ah oo aan nijaas lahayn Ilaaha Aabbaha ah hortiisa waxay tahay in la xanaaneeyo agoonta iyo carmallada markay dhib ku jiraan, iyo in layska dhawro wasakhda dunida. Yacquub 1:27

*Ciise wuxuu yidhi:* “Waa inaad Rabbiga Ilaahaaga ah ka jeclaataa qalbigaaga oo dhan iyo naftaada oo dhan iyo caqligaaga oo dhan. Kanu waa qaynuunka ugu weyn oo ugu horreeya. Ku labaad oo u ekin waa kan. Waa inaad deriskaaga u jeclaataa sida naftaada.” Matayos 22:37-39







***Daryeelida carmalooyinka iyo agoomadu waa mid qaali ah. Waxay innaga cuneysaa wakhti, xoolo iyo malaha qabkeena. Ilaah waxa uu soo diray Cüse, sababtuna ma ahan inaan u qalano laakiin waxa weeye isagaa ina jecel. Wax walbo ayey ku qaadatay inuu ina cafiyo oo uu ina badbaadiyo. Jawaabteenu maxay tahay?***

Aayadaha buugan waxaa laga soo qaatay kitaabka baybalka ah ee af soomaaliga © Axdigii Hore SIM 1979 © Axdiga Cusub UBS 1979  
ISBN: 978- 0 -7213-0-510-2

Somali WAO

Tusmooyin: Jaldiga buuga - Shamiso pp 3, 4, 5, 6, 7, 8, 9, 10, 12, 13, 14, 15, 17 & 18 Simba p10 Cheryl, Darrell, Scott p 11: Scott



SGM  
**lifewords**  
[www.sgm lifewords.com](http://www.sgm lifewords.com)

Published by SGM Lifeworlds Ltd  
CN. 09908817